

Feihyiz Guekgya Gaep: Baeugroxdoh

□ Daenggingh cingjeix




▲ Bi 2017 gyoengqvunz Bauxcuengh camgya aen laex-hung saxcaeq Baeugroxdoh.

▲ Caez roq aennyenz gingq goengcoj.

▲ Giz yienhciegz aen ciet Baeugroxdoh vwnzva lijyouz nauhyied dangqmaz.



▲ Bonj《Seiging Baeugroxdoh》soucomz fanhoiz cingjeix hoiz gej ndei haenx.



▲ 《Sei Lizsij Baeugroxdoh》ndaej hoiz baenz Sawgun Yinghvwenz.



▲ Vunzlai dawz doenghyiengh bae Byagamjcuengh baiq Baeugroxdoh.

《Baeugroxdoh》dwg gojfangz cauhbiengz sei raez Bauxcuengh, ndawde geiq caeuq gangj doengh bouxvunz gojfangz ndaw vwnzyoz bakriuz vunz ciuhgeq Bauxcuengh—Baeugroxdoh haenx guh-cawj, gangj gij saeh hungmbwk gvendaengz de hai mbwn cau deih, cau'ok vunz raeuz, daj gaxgonq doxdaeuj couh youq gih raeuz ranghdieg Denzyangz baengh bakriuz swnjcienz roengzdaej.

《Baeugroxdoh》neiyungz miz Baeugroxdoh cau diendeih, cau vunz, cau doenghyiengh lajmbwn, cau vuengzdaeqdoj, cau sawcih sawlig caeuq cau lunzlij daudwz roek mboengq, fanjyingj gij lizsij vunzraeuz daj ciuh gwn ndip gwn gyoet byaij coh ciuh ndaem naz gwn haenx, lij miz gij cingzgvang biengz



▲ Gyoengqvunz saxbaiq baenz bang baenz gyoengq bae saxcaeq Baeugroxdoh.



▲ Bi 2017, gyoengqvunz Bauxcuengh daj Gveicouh Swngj Hinghyinz Yen daeuj haenx daiq doenghyiengh baiq Baeugroxdoh.

gyog buloz ciuhgeq Bauxcuengh, doiq vunz yenzgiu lizsijyoz, vwnzyoz, cunghgyauyoz, gujvwnzswyoz, yinh-yinyoz caeuq yinhzyoz daengj fuengmienh miz yozsuz gyaciz gig ndei.

2006 nienz 5 nyied 20 hauh, 《Baeugroxdoh》ndaej Gozvuyen baecinj liedhaeuj buek daih'it feih-vuzciz vwnzva yizcanj mingzloeg.

Ciuq bouxsughangz gaujhaed cingqsaed, daihgaig daj Ciuzmingz-cauz haidaeuz, vunzlai bak riuz 《Baeugroxdoh》, caemhseiz lij miz sawbonj aeu Sawndip geiq le cien roengzdaej, ndawde miz di bien-baenz doenghgi sawging canghmo ndawbiengz Bauxcuengh. Aen sigij gonq 50 nienzdaih haidaeuz, miz vunz soucomz cingjeix gij gojfangz nem seilzsiy Baeugroxdoh, daengz 80、90 nienzdaih soundaej lailai.

1988 nienz, Guengjsae doengh bumwnz mizgven youq gak dieg soucomz ndaej ngeihcib ngeih bonj sawfwngzcaw 《Seiging Baeugroxdoh》, caemhcai fanhoiz cingjeix ndei.

1991 nienz, Gvangsijh Yinzminz Cuzbanjse oksaw le bonj 《Seiging Baeugroxdoh (Hoiz Gej)》aeu haj cungj sawcih (Sawndip, Sawcuengh, Gozciyinhbyauh, Sawgun doiqciuq, Sawgun daengx gawq) doiqciuq. Bonj saw neix 8 fanh lai coij, 120 fanh



▲ Moix bi aen ciet Baeugroxdoh vwnzva lijyouz cungj yinx ndawguek rogguek geijcib fanh vunz daeuj camgya.

cih saw; cobouh baijok le gij yienghsiengq vwnzva Baeugroxdoh.

2004 nienz, Gvangsijh Minzcuz Cuzbanjse oksaw bonj 《Ingj Yaeng Hoiz Gej Baeugroxdoh Sawging Canghmo Bauxcuengh》. Bonj saw neix dwg lauxhangz youq doenghgi bonj sawfwngzcaw sawging canghmo ndawbiengz Bauxcuengh ndawde senj ok 29 bonj, sei bonjmiz 47500 coij, 500 fanh cih, gungh 8 bonj; neix couh daezhawj gij caizliuh goekdae cap-saed youh lai yiengh hawj vunzlai yenzgiu vwnzva Baeugroxdoh.

Daj 2004 nienz haidaeuz, youq dieg daeuz okmiz gojgaeq bakriuz vwnzva Baeugroxdoh—Byagamjcuengh Denzyangz, moix bi cungj gawjbanh aen ciet Baeugroxdoh vwnzva lijyouz. Moix bi mwh ciet neix caeuq “Sam Nyied Sam”, cungj yinx geijcib fanh hekyouz ndaw-guek rogguek daeuj yawjgonz, neix hawj gij bakriuz Baeugroxdoh ndaej cien bae engq gvangq engq gya.

Moix baez gvaq ciet Baeugroxdoh vwnzva lijyouz cungj gawj-hengz ciengz laexhung saxcaeq Baeugroxdoh. Bi 2013 ciengz laex-hung saxcaeq Baeugroxdoh youq Denzyangz Yen gwnz gvjangcangz saxbaiq Byagamjcuengh gawjhengz, miz fanh lai vunz daeuj doengzcae saxbaiq goengcoj Baeugroxdoh, gyoengqde dwg vunz beixnuengx gangj Vahcuengh Vahdung daengj, daj guek raeuz Guengjsae, Yinznanz, Gveicouh, Haijnanz daengj dieg caeuq gij guek Dunghmungz Daigoz, Yeznanz, Laujvoh, Menjden daengj daeuj, gyoengqde youq neix saxbaiq Baeugroxdoh, maqmuengh ndaw bi moq bingzonj vuenyungz, ndaem ciengx ndaej lai.

Daj neix doxhwnj, moix bi liggaueq sam nyied cocaet daengz cogouj, ndawguek rogguek miz geijcib fanh boux beixnuengx gangj Vahcuengh Vahdung gag daeuj-daengz Byagamjcuengh, saxcaeq Baeugroxdoh.